

Tarikh Dibaca: 05 Mei 2017M | 08 Syaaban 1438H

KHUTBAH JUMAAT

Tajuk:

“TUNAIKANLAH AMANAHMU”

Terbitan:

Unit Khutbah

Bahagian Pengurusan Masjid

JABATAN AGAMA ISLAM SELANGOR



SENARAI AHLI JAWATANKUASA KHUTBAH NEGERI SELANGOR 2017

- 1. SS. Dato' Haji Haris Bin Kasim (Pengerusi)**
Pengarah Jabatan Agama Islam Selangor
- 2. SS. Dr. Haji Anhar Bin Haji Opir (Ahli)**
Timbalan Mufti, Jabatan Mufti Negeri Selangor
- 3. Tuan Haji Idris Bin Ramli (Setiausaha)**
Ketua Penolong Pengarah, Bahagian Pengurusan Masjid, JAIS
- 4. Yg. Berbahagia Dr. Haji Osman Bin Haji Sabran (Ahli)**
Pensyarah, Universiti Selangor
- 5. Dato' Haji Abdul Majid Bin Omar (Ahli)**
Ahli Jawatankuasa Fatwa Negeri Selangor
- 6. Tuan Haji Hamid Bin Md Isa (Ahli)**
Pensyarah, Kolej Universiti Islam Selangor
- 7. Tuan Haji Md. Sahari Bin Abdullah (Ahli)**
Ahli Jawatankuasa Fatwa Negeri Selangor
- 8. Tuan Haji Abdul Halem Hapiz Bin Salihin (Ahli)**
Ketua Penolong Mufti (Fatwa), Jabatan Mufti Negeri Selangor
- 9. Ustaz Muhammad Farhan Bin Wijaya (Ahli)**
Imam Besar Masjid Sultan Salahuddin Abdul Aziz Shah
- 10. Ustaz Indera Shahril Bin Mohd Shahid (Ahli)**
Pegawai Majlis Agama Islam Selangor
- 11. Ustaz Hairol Azmi Bin Khairudin (Urusetia)**
Penolong Pengarah Unit Khutbah, BPM, JAIS



“TUNAIKANLAH AMANAHMU”

الْحَمْدُ لِلَّهِ الْقَائِلِ: هُوَ الَّذِي أَرْسَلَ رَسُولَهُ بِالْهُدَى
وَدِينِ الْحَقِّ لِيُظْهِرَهُ عَلَى الدِّينِ كُلِّهِ وَلَوْ كَرِهَ
الْمُشْرِكُونَ¹

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ
أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى
سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ. أَمَّا
بَعْدُ، فَيَا عِبَادَ اللَّهِ! اتَّقُوا اللَّهَ، وَتَزَوَّدُوا فَإِنَّ خَيْرَ
الزَّادِ التَّقْوَى وَاتَّقُونِ يَا أُولِيَ الْأَلْبَابِ. قَالَ اللَّهُ
تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تُقَاتِهِ وَلَا
تَمُوتُنَّ إِلَّا وَأَنْتُمْ مُسْلِمُونَ.

Muslimin yang dirahmati Allah sekalian,

Marilah sama-sama kita meningkatkan ketakwaan kepada Allah SWT dengan bersungguh-sungguh melaksanakan segala perintah-Nya dan meninggalkan segala larangan-Nya. Mudah-mudahan kehidupan ini mendapat keberkatan di dunia dan di akhirat.

Mimbar pada hari ini akan membicarakan khutbah bertajuk
“TUNAIKANLAH AMANAHMU”.

¹ At-Taubah ; 33



Hadirin Jumaat yang dikasihi sekalian,

Amanah merupakan sifat wajib bagi Baginda Rasul SAW dan juga salah satu sifat mahmudah. Sifat ini disebut 10 kali secara khusus dalam al-Quran bagi memberi penegasan agar umat manusia melaksanakan sifat amanah sebagaimana firman Allah SWT dalam surah an-Nisa ayat 58:

﴿إِنَّ اللَّهَ يَأْمُرُكُمْ أَنْ تُؤَدُّوا الْأَمَانَاتِ إِلَىٰ أَهْلِهَا وَإِذَا حَكَمْتُمْ بَيْنَ النَّاسِ أَنْ تَحْكُمُوا بِالْعَدْلِ ۚ إِنَّ اللَّهَ نِعِمَّا يَعِظُكُمْ بِهِ ۗ إِنَّ اللَّهَ كَانَ سَمِيعًا بَصِيرًا﴾

"Sesungguhnya Allah menyuruh kamu supaya menyerahkan segala jenis amanah kepada ahli yang berhak menerimanya, dan apabila kamu menjalankan hukum di antara manusia, (Allah menyuruh) kamu menghukum dengan adil. Sesungguhnya Allah dengan (suruhan-Nya) itu memberi pengajaran yang sebaik-baiknya kepada kamu. Sesungguhnya Allah sentiasa Mendengar, lagi sentiasa Melihat".

Dan dilarang bersifat khianat seperti yang dijelaskan dengan firman Allah SWT dalam surah al-Anfal ayat 27;

﴿يَا أَيُّهَا الَّذِينَ ءَامَنُوا لَا تَخُونُوا اللَّهَ وَالرَّسُولَ وَتَخُونُوا أَمَانَاتِكُمْ وَأَنْتُمْ تَعْلَمُونَ﴾

"Wahai orang-orang yang beriman! Janganlah kamu mengkhianati (amanah) Allah dan Rasul-Nya, dan (janganlah) kamu mengkhianati amanah-amanah kamu, sedang kamu mengetahui (salahnya)".



Penghayatan nilai amanah dalam kehidupan akan membentuk peribadi yang unggul. Islam mengajar umatnya menghayati akhlak mulia dan terpuji seperti dalam hadis yang diriwayatkan oleh Abu Hurairah R.Anhu bahawa Rasulullah SAW bersabda;

إِنَّمَا بُعِثْتُ لِأَتَمِّمَ صَالِحَ الْأَخْلَاقِ

"Sesungguhnya aku diutus bagi menyempurnakan (manusia dengan) akhlak yang mulia"

(Riwayat al-Baihaqi).

Para hadirin tetamu Allah sekalian,

Amanah wajib dipikul oleh orang beriman dan iltizam dengan tali Allah SWT. Sifat amanah semestinya menjadi asas penting dalam segala aspek kehidupan. Tasawwur islam terhadap nilai amanah bukan hanya dikawal oleh undang-undang dan peraturan zahir samata-mata, Tetapi ianya bermula dari hati yang disirami keimanan kepada Allah dan menjadi sebuah tanggungjawab yang bakal dipersoalkan dihadapan Allah SWT.

Setiap umat Islam wajib melaksanakan amanah yang meliputi beberapa perkara, antara yang paling utama adalah;

Pertama : Amanah Terhadap Hak Allah SWT,

Sesungguhnya orang yang menunaikan amanah Allah SWT ialah orang mengabdikan diri kepada Allah SWT, melaksanakan segala perintahnya, memperjuangkan syariatnya dan meninggalkan larangannya. Ketahuilah pengkhianat yang paling besar ialah mereka yang telah mensyirikkan Allah SWT serta mengabaikan perintahnya.

Lembaran sirah memaparkan sifat amanah yang ditunjukkan oleh Rasulullah SAW dalam menyampaikan risalah islam agar manusia



mentauhidkan Allah SWT dan meninggalkan kekufuran perlu dihayati bersama. Walaupun berhadapan dengan mehnah atau ujian yang berat, dicaci dan dihina, disakiti jasad dan jiwa baginda, ditawarkan kemegahan, kekayaan, harta dan kedudukan namun baginda teguh membawa amanah Allah SWT menyinari hati-hati umat manusia dengan cahaya keimanan.

Dewasa ini kita melihat, semakin banyak tindakan, perbuatan mahupun perkataan yang cuba menggugat pegangan aqidah, memandulkan pelaksanaan syariah dan mencemarkan akhlak dan nilai umat islam di negara kita. Berselindung dibawah gerakan-gerakan yang kononnya memperjuangkan hak asasi manusia, kesamarataan antara jantina dan sebagainya. Hakikatnya merekalah yang menyuntik virus fahaman libralisme, feminisme, sosialisme dan seumpamanya seterusnya menjadi barah membunuh jati diri umat islam.

Kedua : Amanah Terhadap Hak Sesama Manusia

Setiap manusia yang hidup dalam suasana bermasyarakat mempunyai hak yang wajib ditunaikan. Bermula daripada amanah menjaga diri sendiri kemudian kepada keluarganya, anak dan isteri, jiran tetangga dan ahli masyarakat. Amanah dalam urusan pekerjaan, perniagaan, pentadbiran sehingga kepada kepimpinan.

Misalnya sebagai seorang peniaga atau pengusaha hendaklah mengamalkan sifat yang jujur dan amanah dalam pekerjaannya. Usaha ini bukan sahaja mendatangkan hasil rezeki malah akan diberi ganjaran oleh Allah SWT. Hadis daripada Abi Said al-Khudri R.Anhu bahawa Rasulullah SAW bersabda;



التَّاجِرُ الصَّدُوقُ الْأَمِينُ مَعَ النَّبِيِّينَ، وَالصِّدِّيقِينَ، وَالشُّهَدَاءِ.

"Peniaga yang sentiasa jujur dan beramanah, akan bersama para Nabi, golongan siddiqin dan orang-orang yang mati syahid".

(Riwayat At-Tirmizi).

Hadis ini menjelaskan kesan positif dalam mengamalkan sifat amanah yang menatijahkan kebaikan didunia dan ganjaran yang baik yang dijanjikan Allah SWT.

Namun realiti hari ini memperlihatkan kebejatan sosial yang kian meruncing lantaran hilangnya sifat amanah dalam pekerjaan, pentadbiran dan kepimpinan.

Oleh itu pentingnya sifat amanah kerana amanah itu adalah sifat orang-orang mukmin. Ingatlah pesanan Nabi SAW sebagaimana hadis yang diriwayatkan oleh Anas bin Malik R.Anhu bahawa Nabi SAW bersabda;

لَا إِيمَانَ لِمَنْ لَا أَمَانَةَ لَهُ، وَلَا دِينَ لِمَنْ لَا عَهْدَ لَهُ

"Tidak sempurna iman bagi orang yang tidak beramanah, dan tidak sempurna iman orang yang tidak menepati janji"

(Riwayat Imam Ahmad).

Muslimin yang dikasihi Allah sekalian,



Ketandusan nilai amanah memberi kesan yang cukup besar dalam kehidupan seterusnya akan mengheret sesebuah tamadun ummat itu ke lembah kebinasaan. Zahirnya penindasan, bermaharajalelanya penyalahgunaan kuasa, rasuah dan peningkatan kadar jenayah dan pelbagai kerosakan kerana pengabaian sifat amanah dalam kehidupan.

Apa yang lebih teruk lagi ialah hilangnya keredhaan dan keberkatan daripada Allah SWT. Apabila seseorang itu tidak mempunyai sifat amanah dalam menjalankan tanggungjawabnya dengan melakukan penyelewengan dan pecah amanah, maka rezeki yang diperolehi tersebut adalah dari sumber yang haram, sehingga menghilangkan keredhaan Allah dan mendatangkan kemurkaan-Nya. Firman Allah SWT dalam surah an-Nisa' ayat 107 :

إِنَّ اللَّهَ لَا يُحِبُّ مَنْ كَانَ خَوَّانًا أَثِيمًا

“Sesungguhnya Allah tidak suka kepada orang-orang yang selalu melakukan khianat, lagi sentiasa berdosa”.

Hadirin sekalian,

Menyedari besarnya implikasi jika umat Islam mengabaikan sifat amanah, Mimbar hari ini menyeru supaya para jemaah menginsafi beberapa perkara tersebut, antaranya;

1. Umat Islam wajib percaya dan yakin bahawa Nabi bersifat amanah, maka umat Islam terutama para pemimpin wajib bersifat amanah.
2. Umat Islam hendaklah menyedari bahaya mengkhianati amanah kerana akan merosakkan diri, keluarga dan masyarakat disamping akan mendapat balasan yang buruk di akhirat.



3. Setiap orang Islam hendaklah menunaikan segala amanah kepada diri, keluarga dan masyarakat untuk menjamin kebahagiaan didunia dan akhirat.

أَعُوذُ بِاللَّهِ مِنَ الشَّيْطَانِ الرَّجِيمِ
إِنَّا عَرَضْنَا الْأَمَانَةَ عَلَى السَّمَوَاتِ وَالْأَرْضِ وَالْجِبَالِ
فَأَبَيْنَ أَنْ تَحْمِلَهَا وَأَشْفَقْنَ مِنْهَا وَحَمَلَهَا الْإِنْسَانُ إِنَّهُ
كَانَ ظَلُومًا جَهُولًا ﴿٧٢﴾

"Sesungguhnya Kami telah kemukakan tanggungjawab amanah (Kami) kepada langit dan bumi serta gunung-ganang (untuk memikulnya), maka mereka enggan memikulnya dan bimbang tidak dapat menyempurnakannya (kerana tidak ada pada mereka persediaan untuk memikulnya); dan (pada ketika itu) manusia (dengan persediaan yang ada padanya) sanggup memikulnya. (Ingatlah) Sesungguhnya tabiat kebanyakan manusia adalah suka melakukan kezaliman dan suka pula membuat perkara-perkara yang tidak patut dikerjakan".

(al-Ahzab ; 72).



بَارَكَ اللَّهُ لِي وَلَكُمْ فِي الْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ
الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ
السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ
وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ
هُوَ الْغَفُورُ الرَّحِيمُ.

Hafizul /Nurul
27.04.2017



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى
آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ
الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ،
أَوْصِيَكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.

Sidang Jumaat yang dirahmati Allah SWT,

Mimbar Jumaat sekali lagi berpesan supaya kita sentiasa bertakwa kepada Allah SWT dan menyedari bahawa Islam mengajar kita supaya bersikap sederhana dalam segala amalan. Kita amatlah dituntut agar menampilkan kemuliaan akhlak, sikap dan keperibadian tinggi kerana Rasulullah SAW diutus untuk menyempurnakan akhlak dan sebagai rahmat bagi seluruh umat dan sekalian alam.

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا
صَلُّوا عَلَيْهِ وَسَلِّمُوا تَسْلِيمًا.



اَللّٰهُمَّ صَلِّ وَسَلِّمْ عَلٰى سَيِّدِنَا وَمَوْلَانَا مُحَمَّدٍ سَيِّدِ
الرُّسُلَيْنِ وَارْضَ اللّٰهُمَّ عَنْ اَصْحَابِهِ وَقَرَابَتِهِ
وَاَزْوَاجِهِ وَذُرِّيَّاتِهِ اَجْمَعِينَ.

اَللّٰهُمَّ اغْفِرْ لِلْمُسْلِمِيْنَ وَالْمُسْلِمَاتِ وَالْمُؤْمِنِيْنَ
وَالْمُؤْمِنَاتِ الْاَحْيَاءِ مِنْهُمْ وَالْاَمْوَاتِ، اِنَّكَ سَمِيعٌ
قَرِيبٌ مُّجِيبُ الدَّعَوَاتِ يَا قَاضِيَ الْحَاجَاتِ. اَللّٰهُمَّ
اِنَّا نَسْأَلُكَ وَنَتَوَسَّلُ اِلَيْكَ بِنَبِيِّكَ الْاَمِيْنِ، وَنَسْأَلُكَ
بِاسْمَائِكَ الْحُسْنٰى وَصِفَاتِكَ الْعُظْمٰى اَنْ تَحْفَظَ
بِعَيْنِ عِنَايَتِكَ الرَّبَّانِيَّةِ وَبِحِفْظِ وَقَايَتِكَ
الصِّمْدَانِيَّةِ، جَلَالَةَ مَلِكِنَا الْمُعْظَمِ سُلْطَانَ
سَلَاطُوْر، سُلْطَانَ شَرْفِ الدِّيْنِ اَدْرِيسِ شَاهِ الْحَاجِ
ابْنِ الْمَرْحُومِ سُلْطَانَ صَلَاحُ الدِّيْنِ عَبْدِ الْعَزِيْزِ
شَاهِ الْحَاجِ. اَللّٰهُمَّ اَدِمِ الْعَوْنَ وَالْهِدَايَةَ وَالتَّوْفِيْقَ،
وَالصِّحَّةَ وَالسَّلَامَةَ مِنْكَ، لَوْلِيَّ عَهْدِ سَلَاطُوْر،
تَغْكُوْ اَمِيْر شَاهِ ابْنِ السُّلْطَانَ شَرْفِ الدِّيْنِ اَدْرِيسِ
شَاهِ الْحَاجِ فِيْ اَمْنٍ وَصَلَاحٍ وَعَافِيَةٍ بِمَنْكَ وَكَرَمِكَ



يَا ذَا الْجَلَالِ وَالْإِكْرَامِ. اَللّٰهُمَّ اَطْلُ عُمْرَهُمَا
مُصْلِحَيْنِ لِلْمُوظَّفَيْنِ وَالرَّعِيَّةِ وَالْبِلَادِ، وَبَلِّغْ
مَقاصِدَهُمَا لِطَرِيقِ الْهُدَى وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam, sebagai negeri yang maju, sejahtera dan berkebakikan dibawah naungan dan pimpinan raja kami sebagai ketua agama Islam di negeri ini.

Justeru kami pohon kehadiran-Mu ya Allah, tetapkanlah iman dan pegangan kami kepada Ahli Sunnah Wal-Jamaah, terimalah amalan soleh kami, suburkanlah jiwa kami dengan budi pekerti yang mulia, satukanlah hati-hati kami, kurniakanlah kami rezeki yang luas lagi barakah, kayakanlah kami dengan ilmu yang bermanfaat, lindungilah kami daripada bala bencana dan peliharalah kami daripada ajaran sesat seperti Syiah, Qadyani, dan lain-lain ajaran yang difatwakan menyeleweng dari ajaran Islam atau bertentangan dengan pegangan Ahli Sunnah Wal Jamaah. Ya Allah bujukanlah hati kami untuk mendirikan solat fardhu lima waktu, menunaikan zakat, mewakaf dan menginfakkan harta melalui Lembaga Zakat Selangor, Perbadanan Wakaf Selangor dan Tabung Amanah Pembangunan Islam Selangor.



رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا
حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ
ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَىٰ
نِعَمِهِ يَزِدْكُمْ، وَاسْأَلُوهُ مِنْ فَضْلِهِ ۖ يُعْطِيكُمْ
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.
